

近代中國史料叢刊續編第五十六輯
沈雲龍主編

民權素

蔣著超編

第四·五集民國四年一·三月

文海出版社
有限公司
印行

蔣著超編

民

權

素

(三)

民國四年一月三日

文海出版社有限公司印行

民權素 第四集



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



民 權 素 第 四 集

民權素第四集總目

名著

藝林

游記

詩話

說海

談叢

諧藪

瀛聞

劇趣

碎玉

總目

名

著

周浩題

名 著 題 詞

善 薩 著

善 超 集 古 句

晨。窓。暖。日。烘。

同。新。文。盡。國。

筆。不。忘。規。傾。

陸游秋晴 黃

進士劉蟾赴舉

岑長史參 宋

名著目錄

漁蓑賦以綠蓑煙雨江南爲韻

夢餘詩草序

白門悲秋集序

頻羅詩集序

哀榮錄序

快閣記

月色齋記

倪綱小傳

送沈生歸越郡序

致山東昌邑議會書

與孳子論詞書

目錄

唐才常

無盡

國寶

卷盒

郁巖

漱巖

匪石

魯源

箬超

陳幹

匪石

民 權 索 第 四 集

目 錄

新年與友人書

答胡穆卿書



昂 孫
箸 超

名著

漁蓑賦 以綠蓑煙雨江南爲韻

唐才常

幾日。爾。撓。來。水。山。流。波。驚。起。鷗。鷺。浴。恨。望。千。秋。嚴。子。陵。羶。影。翩。躚。絕。塵。俗。雨。併。濤。飛。雲。將。山。續。款。乃。歌。清。吟。呀。聲。促。徒。見。惺。忪。簞。笠。飄。如。蝴蝶。之。衣。枉。教。緘。就。蓉。裳。妬。殺。鴛。鴦。之。褥。贏得。一。蓑。風。雨。宛。同。拖。紫。紵。青。披。來。兩。岸。烟。霞。儘。有。嬌。紅。姹。綠。倘。其。韶。光。明。麗。淑。景。融。和。波。停。霧。縠。江。淨。雲。羅。晴。絮。飄。畫。橋。之。柳。煙。絲。緘。金。浦。之。梭。則。將。檢。點。蓑。衣。結。烏。篷。而。穩。颺。亦。且。補。紉。裳。服。共。魚。網。以。摩。挲。披。襟。漁。浦。之。中。柳。腰。折。瘦。唱。漁。舟。之。畔。蓍。帶。牽。多。何。須。慮。雪。驚。寒。淨。刷。紅。翎。之。羽。豈。向。桃。源。把。釣。披。將。白。鷺。之。裳。無。如。淡。雲。低。捲。密。霧。綿。延。溶。溶。水。國。漠。漠。江。天。千。絲。萬。絲。之。雨。三。隻。五。隻。之。船。似。催。漁。子。收。筒。歇。向。綠。楊。畫。裏。不。許。漁。翁。舉。網。冒。來。紅。杏。村。邊。何。處。漁。舟。猶。下。鷓。鴒。之。餌。誰。家。漁。父。仍。携。鱸。膾。之。筌。懸。知。百。結。蓑。成。堪。籠。薄。暝。漫。道。一。肩。蓑。重。難。荷。濃。煙。彼。夫。綠。野。新。耕。青。山。舊。伍。杳。靄。芳。原。冥。濛。花。塢。農。莢。則。見。覓。猶。來。樵。斃。則。披。雲。快。視。亦。足。描。畫。意。之。濃。纖。寫。詩。情。之。飛。舞。然。未。若。清。風。江。上。綠。影。堆。篷。細。雨。湖。中。蒼。痕。映。舫。機。忘。鷗。鷺。時。獨。往。而。獨。來。伴。結。魚。蝦。果。誰。寶。而。誰。主。絕。似。身。輕。鶴。墜。復。欲。假。煙。豈。如。賀。重。羊。裘。濃。遠。怯。雨。迢。迢。楚。水。渺。渺。吳。艘。漁。村。入。畫。漁。笛。成。腔。天。半。白。鷗。招。一。溪。邊。紫。燕。飛。雙。雅。趣。則。尋。聲。鳩。婦。生。涯。則。低。事。魚。缸。稱。體。能。安。不。必。裳。裁。薜。荔。揜。竿。自。適。有。時。興。託。蘭。荳。記。曾。夜。月。三。更。酣。眠。草。舍。憶。否。斜。塢。半。角。久。眠。篷。窗。張。志。和。家。在。煙。波。豈。爾。名。傳。泛。宅。柳。子。厚。情。深。蓑。笠。居。然。雪。釣。寒。江。風。光。澹。宕。波。鏡。嬌。合。一。碧。澄。霽。

名著

千村色酣。漁浦搖帆。高唱漁家。煮酒清談。謝人間之富貴。來世外之江潭。幾時。我睡舟中。衣痕。澆滑。每日。我披飯。後。鬢影。鬢髮。寂寞。我翁。豈羨。蓉妝。之。靨。蕭閒。我客。非誇。柳汁。之。汗。須知。身世。浮沈。波長。玉海。莫道。韶華。綺麗。曲唱。江南。

夢餘詩草序

無盡

夫明璫玉佩。不盡喻。夫君臣香草美人。能上嗣於風雅。芬芳排側。以是爲優。合肥汪子。嘯叔。出示夢餘詩草一卷。觀其儷青妃白。刻翠鏤紅。盪氣回腸。停辛佇苦。江郎恨重。河滿聲悽。顏比玉而煙沈。淚如珠而雨墮。編鴛鴦之隊。豈患情多。綴鷓鴣之辭。惟虞春短。曉風殘月。腸斷詞人。暮雨朝雲。夢醒神女。蓋不愧金縷之哀曲。玉溪之傳人已。嘯叔以蟾窟之仙班。作戎行之武士。刀光耀雪。劍氣摩霄。魯陽公落日揮戈。祖士雅渡江擊楫。慷慨投筆。班超猶是華年。宛轉成篇。杜牧乃吟薄倖。得母曰。縱橫掃盪。霍去病何以家。爲哀樂糾纏。王伯與終緣情死。耶。然而謝傅山中。絲竹陶寫。文山席上。聲勢豪華。英雄不諱酒色之名。男兒詎短風雲之氣。况揚州一覺。久付虛無。越客千絲。終歸解脫。泥中墮絮。三生參盡。情禪風際。浮萍十載。俱成夢境。嗟夫。蓬蒿刺目。蕭艾盈腰。實與嘯叔。舊誦清流。思移澆俗。歌關雎而哀窈窕。覽雙蛾而怨靈修。藉澧蘭沅芷之辭。據山榛隰苓之慨。重以豢龍無主。呼馬有人。路鬼相。椰山靈。勝。謗。江湖。奔走。嗟。萍梗之漂搖。風月。清佳。聞。竹枝。而。悵。惘。幸也。靈犀。辟水。維。燕。依人。雙。宿。雙。飛。傾。城。傾。國。狂。生。落。魄。博。青。眼。於。佳。人。我。輩。鍾。情。許。紅。顏。爲。知。己。又。復。彩。雲。易。散。逝。水。長。流。綠。葉。成。陰。青。雲。多。幻。則。鵬。啼。錦。

瑟我見、猶憐、鵲恨、銀河、誰能、遣此、乎。質生本恨人。昔逢倩女金難築。屋玉易成煙。秋風無續命之花。仙鳥乏返魂之草。禪心寂滅。綺習消除。枯梧餘生。從此不談風月。卷旒不死。與君重整山河。是爲序。

白門悲秋集序

國 寶

昔宋玉賦九辨以悲秋。實展而誦之。如坐寒山。風雨中聽哀鳥啼猿。相倡答。嗚呼。何其言之沈且痛也。而不謂天下後世傷心人。周覽山川。流連風景。其感喟猶有什伯倍於王者。豈非由人世之多難。我生之靡樂。而情遂有不能自己者耶。庚戌秋。順德蔡子哲夫。合肥汪子嘯叔。金山高子吹萬。天梅平菴。姚子鳳石。丹徒唐子軼林。暨吾郡左子漢縱。吾宗人菊輩。勾留金陵。相與憑弔。古今百端。交集各以其胸中悲涼拂鬱之氣。發爲詩歌。實彙而錄之。得如千首。取名悲秋集。以其爲九辨之遺音也。蔡子哲夫。又上繼顧寧人先生之志。偕其配張女史。傾城補繪。孝陵圖列於卷首。其用心尤苦矣。嗟夫。天不可知。世方多難。國亡族滅之禍。岌岌焉懸於眉睫。間一二在上位者。猶復攪權怙勢。恬然於危堂沸釜之中。而晚近少年。又從事於錦衣玉食。金鞍白馬。酣歌恒舞。而不知休其於社稷之顛危。如秦人視越人之肥瘠。曾懵然不少恤焉。則吾儕本古詩人傷時念亂之義。以此爲周顛新亭之淚。阮籍空山之哭。不猶賢乎。嗚呼。其亦可謂言者無罪也已。

頻羅詩集序

卷 盒

頻羅卽世之八年。哲嗣哀其遺稿。將梓而壽諸世。維時彫林隕風。晚蒼彌望。芝蘭不存。闕芳靡絕。余以盍簪誼無

過談敷陳、厥指可得而言。夫文府元始、壯聲彙冊、漢雅騷音、各程令軌。六代三唐、瑰辭代起、承流遞嬗、作者非與。足以翊翼春華、揚厲汗簡、吉光是珍、文化斯懋、別集之錄、由來尙矣。類羅英挺、奇質負志、青雲尙羊、儒林振采、詞苑落花、依草邱中、邨之才華、初日芙蓉、鮑明遠所心許、皇甫當前無事、遠求白傅、子雲承明、豈獨文似相如、乃以屢厄清時、勉成吏隱、東坡游鄂、遂傳黃州之詩、子山憂國、厥有江南之作、破涕一掬、入握不溫、吟魂三尺、歸來何暮、嗚呼、正平適魏、僅識孔生、嗣宗登山、但聆孫嘯、長沙服鳥之賦、宣室不聞、佗期射鵰之才、結眉空嘆、然而顯晦不齊、遭逢非偶、釋蘿製衣、豈必稟經之彥、握瑜懷瑾、弗屑門戟之榮、侏儒醉飽、士甘枵腹、簧舌翻瀾、人咸充耳、賢者聞而興喟、高人望而避舍矣。况夫流風亡沫、善操終棄、淮南拔宅、人頌劉安、河間遺書、錄存子政、南山種豆、無楊桓而損歡、東籬采菊、待元亮而載酒、杜少陵號稱詩史、劉孝標豈無故人、以彼例此、詎不其然。當此國華凋謝、墳籍廢弛、戎屢警禮教、中息眷懷、絕學僭焉、若疴不有、大雅疇爲、扶輪則斯集之傳也。將使白雲在天、廣樂振地、崇助光采、如瞻景星之華、愛護波瀾、足障黑水之沸、激濁揚清、其在斯乎。今者羽陵飛蠹、未食神仙、楓林大招、每懷太白、彥昇出郡、哭僕射而謾思、牧之愛才、傳長吉而作叙、雖勞百輩、於縹緲無補、陳思而蔽一言、於猶龍眷懷、李耳爰據崖略、用弁鴻著、仰止之咏、庶無闕焉。

哀榮錄序

郁嶷

慈利莫汝堂先生夙以好義聞鄉里。其哲嗣潤次先生與家君子素號金石交。歲時伏臘猶往來余家也。嶷幼時

恒從家君子謁潤次先生。備聞先生行治。比年游學津沽。復與先生父孫葆吾君。昕夕聚處。益得先生之爲人。蓋葆吾君以素封子。壯年浮寄數千里之外。耳目心思。所煌惑漸漬於怪瀆。染而日流侈靡也。爲勢甚易。顧夷然處之。堅貞自飭。居五載。屹然不渝。舊操其樸質謹行。約救矩矱。所以媿浮俗。矻澹習者。殆爲窮陬樵釣之儔。所不逮。則夫先生之居恒。恭己立範。義方迪後。昆以督訓其子弟。雖道躅已杳。不獲樞衣粟階。承馨效親履。烏而往。日家君子之所談述。洎葆吾君之舉止。與夫口碑之流傳。則先生之俠義。蓋不可幾及也。前年庚戌。歲大饑。蕪歸自津門。由湖北沙市肩輿南行。二日抵滬。所過飢黎羣集。念此蒸民。疇復拯卹者。而先生則於其際。慨然斥積穀賤市價。數倍以贍活。環境飢黎。德惠所被。人爭謳頌。往讀太史公遊俠列傳。深有感於緩急人所時有之言。以爲世衰道微。煦煦爲仁。利人而不損己者。或難其選。矧尙俠好義如先生者。將非億兆之所託命也耶。迺天不愍貽。前年冬。遽辭濁世。宗嫻里黨。走相告泣。而哀輓之詞盈尺。頃葆吾君自里郵書來。謂將哀集成冊。而以弁言譚。雖不文。感先生高義。其何敢辭。惟先生雖殞落。而莫氏諸子弟多賢俊。克充其室。若葆吾君者。尤卓犖出人表。異時必能紹先生遺志。據輝宏大。益行義鄉里。爲一方仰賴。世澤綿長。所以永先生令名於無既。而來童販之譏。思者當十百倍。茲於斯錄所稱美。則斯錄之集固淺焉。不足以發先生之潛德矣。時民國紀元初夏。

快閣記

漱 巖

快閣爲宋陸師尙書故第。其孫放翁所葺也。在越郡西南三里。過跨湖橋。不半里而至。鑑湖千頃。綠延到門。秦

望諸峯青來排闥登閣四眺心目一豁以快名閣宜矣。址久廢。清乾隆間任處泉來守郡。購址築閣。復拓閣後餘地數畝爲園池。蔣藏園爲撰卜居快閣記。太守自爲詩四章。紀之一時名流唱和。殆徧雅林。勝集觴咏。幾無虛日。中閱百年。主屢易。辛壬兵燹。淪爲茶廠。庚午山陰姚海槎觀察自邗上歸。復購而居之。閣中有此地天教著放翁七字橫額。集董思翁書也。旁有李恣伯聯語云。放翁萬卷半皆歸。里作柳家副本。全是借人看。其字體拙而逸。此老不以書名。殆爲詩掩。閣後有園。布置閒雅。有煙香書屋。邃初齋。是亦居。漱酣亭。師舟。師山。入勝廊。飛躍處。棲煙亭。諸勝。是皆仍放翁之舊而名之者也。姚氏富藏書。頗多宋槧。有爲世所罕見者。夫浙東藏書。推杜氏。樊氏。浙西藏書。推陸氏。丁氏。而陸氏。而宋樓藏書。爲日本人出鉅金購去。與燉煌石室祕笈同慨。近年燉煌古寺石壁中。發現古籍大半唐本。而釋典居多。爲法教士購去。以故丁氏八千卷。樓諸書。當時議價。償十萬。識者有鑑於此。購入江南圖書館以存之。越失而吳得。猶是一家之物。勝於流出外洋。萬至杜氏。樊氏所藏。其散失蓋亦久矣。獨姚氏克守傳楹風。隄籤架有倫。有節。文人踵覽。應接盡禮。不誠足多乎哉。予夙耳其名。欲往視而未有便。癸丑十月。過越郡。承神州醫院主任謝佩銘招飲斯閣。主人幼槎。爲海槎令嗣。與佩銘友善。叢發所藏無祕。故得瀏覽。甚詳。

月色齋記

匪石

余世居金陵明瓦廊。聚族而處。地廣數十畝。族叔曾祖伯陽公。曾繪圖作記。載於家乘者也。太平王之東下也。家

人四出避地。宅爲某將得。湘軍取金陵。燬焉。舊有香月樓三楹。藏書甚富。吾高曾祖父讀書之所也。至是亦鞠爲煨燼。余猶憶七八歲時。先君子挈余憑弔故墟。歎感而言曰。吾老矣。小子識之。他日如有寸進。縱不能恢復舊觀。亦當追香月樓遺迹。以存讀書種子。蓋先君子歷履巢之禍。茹痛至深。嘗謀諸族人之富者。構屋數椽。以奉祭祀。緣以周垣。存其基址。族人慙之不果行。而族中貧窶之輩。又謀貨之。而分其價。先君子以無財不能挽救。爲之恚且病者累月。今其地已爲他人有矣。余既長爲鮮民。又深抱不能讀父書之懼。嘗虛構一境。以爲倘能開三弓地。當繼先君子之志。復香月樓之舊讀書。其中以淑其身。以教其子孫。而十年以來。卒少閒暇。又困於貧。所志輒不遂。然隨游蹤之所。至常得斗室。於以溫故業。求新知。爰刺取白石道人語。顏曰舊時月色齋。誌不忘本。且自認也。嗟乎。駒光過隙。人事遷流。先人之遺訓。譬昔之宏願。不知何日克踐。而余行年已將三十。汲汲顧影。唯日不足。默念家國之禍。更不知伊於胡底。而所謂香月樓者。欲求其不歸諸幻。亦僅銘之寸心而已。長夏無俚。作舊時月色齋記。以存吾志。而陟岵之悲。故園之感。腸一日而九迴。則未可以言語形容也。辛亥夏六匪石記。

倪綱小傳

魯源

自來失志之士。往往閉戶自精著書。立說雖貧窮而不改者。蓋以年壽有時。而盡榮樂。止乎其身。未若文章之垂不朽也。幸而天佑斯文。書傳後世。學子莘莘。奉爲先儒。卽令其聲不揚。讀是書者。知空山絕壑。尙存絕響。至於人文俱喪。傳述無由。與鳥獸草木同歸於盡。大可憫也。吾鄉倪先生。名綱。逸其字。幼具慧性。善爲文。長而篤學。然家

亦貧不能多購。書常從鄰舍富翁家借讀之。讀必默坐潛思。洞悉其義。而後已。學既富。乃益厭人世紛紜。思有以詔後世。當是時。科舉盛行。宇內熱心富貴者爭赴之。先生獨鄙之。曰。儒者讀書。豈求富貴哉。求吾心之自得焉。已矣。於是翫天祝髮。終身不娶。就某氏館。課徒糊口。終日據案握管。一搦筆。輒數十百行。籍其所作。凡天文地理禮樂算及經史之學。莫不融會貫通。就所心得。發乎議論。生徒有窺之者。每謂之曰。此我精神之所寄也。凡儒者讀書。皆當若是。小子識之。哉。每成一篇。則喜盈一篋。則大喜。積之既久。乃得三四篋。其中論醫者六十四卷。餘若論說傳說及野史小說等。蓋又得十餘冊焉。以言其學。願不富歟。逾年棄館。偕其族居山谷間。西風怒號。枯葉滿庭。先生處之泰然。一意以著書爲樂。暇時袖百錢沽酒於肆。及見道旁乞丐。則又盡出其餘者付之。有嗤之者。曰。若則奚如。而猶以恩彼。恐若之將竭於彼矣。先生笑曰。富貴與我如浮雲。此區區者。身外物何足惜。汝輩重視之。故轉爲所困。言已急。驅而去。及其易簀也。詔姪輩而告之。曰。吾歷年九十餘。無寸金之積。以貽後人。吾甚愧焉。然有遺書數篋。此吾精神之所寄。汝輩宜世守之。文章學問。盡在是矣。言已一笑而逝。先生既死。子孫多不學。經洪楊之役。醫書失四冊。而其餘亦間有失者。吾聞先生有天文書。厚不過數頁。專言天氣之變遷。陰陽之互易。其說以風與雲氣。若何化合。卽成若何現象。視今之泰西之學。何如耶。三四傳後。族人寶其書。鄉農野叟。往往就詢。風雨陰晴。事言之十不失一。後有族人某。閱其書。忽狂風四起。竟挾書盤旋入雲際。豈其神歟。君子惜焉。夫儒者著書。豈得已哉。西伯均。漢里演周易。孔子厄陳蔡。作春秋。屈原放逐。著離騷。孫子病脚。論兵法。非萬萬不得已。未有

以著書爲樂事者然倪先生以高人之資不事功名而欲以學顯其意蓋有所寄也而乃繼起無人不能傳世轉令書籍漸次泯滅而其名亦終以不彰悲夫

送沈生歸越郡序

箸 超

今年夏五月沈生以聯合慈善團北走燕都道經滬濱將行辭於余余曾贈言以爲別喜其能爲人之所不能爲哀此窮黎或將有託也是時沈生之胸襟與其氣概豪爽磊落多有丈夫氣今相隔已三月矣余之立身行己未能少有所得而沈生亦鬱鬱而歸是土相見款款不可言狀嗟乎歡會惜別人之恒情今余與沈生何如斯之近人情也余猶憶沈生之將行也欣欣然告余曰方今世變日亟民患日滋凡個人之責任只盡其心力所能次第普及於天下其大而無當者不必爲卽爲之亦無裨於世噫斯言也沈生固自決其事之必成卽余亦深信其言之非妄而孰知竟有大謬不然者夫以沈生具普渡願有宏濟才家資累巨萬能盡責於慈善事業心力攸宜獨一無二此固蒼蒼者隱有主宰於其間非偶然事也胡有其心有其力而獨無二三同志爲之翊佐至不得已而求之於北而落落仍寡合也然則沈生之鬱鬱有自來矣雖然余有望焉革命之主義在改組政體而其現象則日陷於地方分裂之潮流余與沈生生長南土凡目所見而耳所聞者無不改頭換面至於北氣之惡固猶是積弊時代也沈生既欲本其所志以謀之於北而無極宏大之魄力與夫極神通之手段其不濟宜耳苟不以事之不濟而稍易其初志受一番磋折增一番堅凝不宜於北者而謀之於南南之人心地光大沈生將必有宏

濟斯人普渡衆生之一日。正無容鬱鬱爲也。沈生甫歸滬。余方自故鄉來。見夫稽山之側。鏡水之旁。哀鴻飛鳴。瘡痍滿目矣。予願沈生之厚於桑梓也。沈生勉乎哉。

致山東昌邑議會書

陳 幹

吾昌變亂而後。人物蕭條。多賴諸先生蓋籌偉畫。使已亂之秩序。漸就平復。幹等寄跡洋鄉。泥首無門。惟祝福躬多祐。諸凡如意爲慰。竊念李亦白等二十餘人。猝遭慘害。凡屬同人。莫不震悼。今善後各事。已有布置。而對於死者。尙漠然無關。殊不足以示表揚而昭來茲。特品第不齊。榮哀有異。不能強爲鋪飾。亦不可任其磨滅。如亦白之品端學粹。鄉閭矜式。香坡之主張革命。堅毅不撓。章民之破產興學。力任艱鉅。紫階之提倡新政。不辟勞怨。尤不第昌邑之傑出。實山東之翹楚也。次如王阜臣。劉鏡寰。張廷臣。朱鏡沂。張士一。李鸞祥。羅昇三等十餘人。或贊助新政。或出力民國。俱不失爲鐵中錚錚。傭中佼佼。幹等緬懷遺德。心切瓣香。思所以表揚徽烈而未能者。不得不就商於諸先生之前。而祈有以教之。將謂立烈士祠也。則非抗顏敵廷。死難疆場。將謂立鄉賢祠也。則既失於重複。亦有嫌夫混合。且更有難者。若專祠數人。則其他死者之家屬。勢將紛紛置辯。以爲同是與難之人。何所分乎。厚薄若不問賢否一例。入祠則溷涇同流。見譏清議。徇十數家之志願。遺千百年之指摘。贊揚而實以污衊。又豈諸先生與幹等之所願者哉。茲經各處同鄉。往復磋商。僉謂立四賢祠最當。以亦白香坡章民紫階爲正祀。阜臣鏡寰等人附之。或有見聞遺漏。俟再調查補入。惟彭英臣王偉堂等籍隸他鄉。且爲厲階。不得入焉。似此持平辦

法。庶。可。慰。死。者。之。靈。。歷。生。者。之。望。。調。劑。於。目。前。無。間。於。將。來。尙。稍。爲。完。全。也。管。蠶。之。淵。莫。及。高。深。。謹。布。梗。概。惟。希。鑒。核。

與彙子論詞書

匪石

彙子足下。於報端讀見贈新詞。不無同是天涯之感。一再催讀。淚潄潄矣。奉酬一篇。另紙上。苦無當宏旨也。大集迴腸盪氣。詞精粹而意深遠。上之可方少游。次亦不失爲山中花外之妙境。弟何足望塵萬一哉。然倘破得工夫。許以討論。或有造於弟也。竊嘗論近人爲詞。易犯之弊有二。五宮失傳。四聲不講。破律則以碎金爲藉口。失韻則以叔夏爲護符。既非自度之腔。轉多誤填之調。此其一也。或則遺詞不擇。造語多粗。獺祭及重譯之書。蒐冊列生硬之字。泥沙俱下。粗糲並咽。不獨失曉。風殘月之遺。抑亦非鐵板銅琶所取。此其二也。前者之弊。不除。僅在供人指摘。蓋紅兒。既不能付。則白璧。不過微瑕。而後者之弊。直下儕於齊東語。玉碗貯狗矢。不復成爲詞矣。平素自愧不學。腹笥太儉。言之無文。且賦質魯鈍。出語多拙。特於以上兩弊。斤斤自持。惟恐或犯。斯以爲入門之途。徑舉所願。以陳之足下。其亦以爲尙可教否。嗚呼。今日何日。蛟蛇螫人。吾行却曲。雕蟲小技。壯夫不爲。而吾輩討論及此。人將節取。納蘭氏。貴重而不適用之語。以爲鑿於時矣。弟以爲再三十年。風雅將絕。抱缺守殘。抗懷希古。雖不能至。然心嚮往之。則仍當矩矱。高會勿循規矩。狂肆之言。苦不自量。然高明當憫其愚。不責其妄也。頃有詞話。揭之報章。一得之愚。不敢自信。倘辱棒喝。如葵傾心。大集爲劍華取去。奇文欣賞。人有同情。諒畢業後。當徑奉趙。勿念。

名著

附上聚頭扇一柄。乞賜珠玉。餘不白。世宜再拜。

新年與友人書

昂孫

比者玄鳥不翔。白獸可熾。香心辟惡。酒面傳生。多少輕煙。裝成新相。者番草色。喚醒春愁。炭柏子之鑪。風除故。故。望梅花之店。竹報新新。感老境之流波。年增亦減。懷故人而忍冷。雨霽非今。長生祝君。今吾自笑。聰明誤我。未着元機之鞭。兒女看人。猶欠新年之拜。徒見酸酥之俗。三有歡呼。狙猿之祠。百華永曜。數到雲開之節。爭延鬼却之丸。至可笑也。夫罕堵香燃。紫符左肘。盈庭照火。讓酒都門。或調蒼朮之湯。或飲松枝之火。絳紗囊裏。烏亦重明。赤靈符邊。虎能息病。烏巾雖小。祝富貴之大來。青綰可簪。知苗條之先到。雖云陋俗。具有天機。驚日月之跳丸。况當盡歲。是國風之樹。準非曰長春。若云世進。文明省却。近年之佩。何以人逢。曠達偏綬。試新之章。是知勝會無多。良辰不再。成俗之循。良有以也。昂孫遠離鄉井。念舊之夢。十年自詡。狂生說愁之筆。萬斛望拜潮之水。晨立風廊。吸引氣之煙。夕傳月鏡。數千門爆竹。轟陽島看五色金泥。拈來神燕。別無三策。惟腕力之自誇。卓有萬年誓心。臟之可驗。未得金書之祕。苦不變甜。倘蒙玉水之膏。表能澈裏。紅衫已摺袖頭。無餘蕙之分。碧毯可抽線裏。有寒香之鬱。茅齋跣脚。元日愁儂。驚衰髻於江湖。撫寒窗之琴冊。人非草木。孰能無情。聽院落呼盧。猶欲鼓彈。賭之興。效俗例。以試年庚也。古人惠我。夢撒酒棋。當向滄洲釣者。貯文鷗銀。慈以待。謹啓。

答胡穆卿書

箸超

民 權 素 第 四 集

前日拜領教言。循覽數過。猥荷獎飾。自慚非分。超學少根底。識多荒謬。頻年來偶有所作。輒皆漁獵前人。剽竊古
代。生澀雜湊。無當宏製。所謂氣不中腴。光不外練。耕野之偶焉。知金石坐井之伍。空仰日星。足下珍視。硤硤甘啖
糟粕。爲親者諱。毋乃爾過。滬居以來。心潮日濁。西覬藏氛。北望燕雲。是日何日。偕亡及女。加以溽暑未收。涼風罕
至。積威之下。寧有清興。以視此次返里。會聚湖山。舟行當車。月來如客。媚花增笑。濁酒消愁。故鄉風味。正復不惡。
惜假限過促。未能多多傾略。遂使青青柳骨。若笑我而折腰。亭亭山容。將羞人以植笏。境不俗人。予轉自鄙。近雖
重逐塵足。尙復苦念桑麻。鄉夢爲酣。宿醒未解。每當殘照入土。倦鳥歸林。農者假耜。工者拾器。雖金貂之飾不足。
爲榮。而敗鬼之靈。偶能竄意耳。來書謂貧而且病。言之惻惻。夫文章窮人。鑄之大造。非貧而病。不見其工。足下門
對仙山。封無故步。俯三潭而作鏡。仰層幃以爲屏。奇句可搜。清神不老。紫氣非貴。韋布何微。而必羅雞黍之交。招
裸程之浼。將因金以爲屋。或品錦而製衣。苟具斯願。必多苦境。吾恐芒鞋拾路。猶興猿鳥之嫌。落葉打包。必貸山
林之忌。烟霞差遜。泉石潛藏。以足下之富於天機。深於道味。未能免俗。猶如是耶。若僕者。賦惟窮鳥。泣類枯魚。十
年。禹筮之場。形聲閔寂。一個。牢騷之肚。色相。凋零。幾日。蕭間。聽秋聲。而撫僕畢生。况。瘁入春夢。以呼。婆然。猶性不
知塵。身還宜冷。惟天席地。橫水范山。江神。寶葢。吾盟。田夫。亦存斯約。勉哉。足下。盡証寸心。承賜送別。數章。勝於親
面。當此。秋心。角枕。蟲吟。古壁。絮被。不親。豆鏡。無主。能不思哉。涼燠無常。加飯自愛。願宏鑒納。不盡欲言。
箸超再拜。

頻 羅 館 書 話

古。人。云。筆。力。直。透。紙。背。此。句。當。與。天。馬。行。空。參。看。今。人。誤。認。透。紙。便。如。藥。山。所。云。看。穿。牛。皮。總。無。是。處。蓋。透。紙。者。狀。其。精。氣。結。撰。墨。光。浮。溢。耳。彼。用。筆。若。游。絲。者。何。嘗。不。透。紙。背。耶。米。襄。陽。筆。筆。壓。紙。筆。筆。不。著。紙。所。以。妙。也。

腕。力。之。用。法。使。極。輒。筆。自。見。譬。如。人。持。一。彊。者。使。之。直。則。無。所。用。力。持。一。弱。者。欲。不。使。之。偃。則。全。腕。之。力。自。然。來。集。於。兩。指。端。其。實。書。者。只。知。指。運。而。並。不。知。有。腕。力。也。悟。此。則。羲。之。之。背。後。掣。筆。政。是。驗。其。腕。力。之。到。與。否。無。他。謬。巧。也。

多
藝
丸
木
木

劉
文

藝林題詞

善 薩 蠻
箸 超 集 古 句

花間有客時携酒
花香滿袖人知否
聊贈一枝
春筆精妙入神
野情風月曠湖海
詩懷壯老
杜好篇章知名翰墨場

張耒和周廉彥 蘇軾韓康公座上侍兒求書扇 陸凱自江南寄

范懋家 李白賦王右軍 廣僧和永和殿下言志 盧琦 范師

道題隱圃贈蔣希魯 姜夔除夜自石湖歸苕溪

民權素笈第四集

藝林目錄

詩

蘇戡	蘭叟	哲庭	寶丹	天梅	吹萬	哲夫	亞賓	五溪	卷盒
一首	三首	六首	五首	兩首	一首	十首	十二首	二首	二首
公甫	恫百	海鳴	擊子	東蓀	蛻盒	豁盒	槐	天羽	萬里
四首	七首	一首	一首	三首	四首	二首	四首	二首	一首

目錄

良 楮 素 第 四 集

詞

橋 廠 孤 劍 天 驕 叔 子 匪 石 枕 亞 蟻 須

目 錄

四 首 三 首 二 首 二 首 二 首 二 首 五 首

箸 超 劍 華 覲 廬 泣 花 天 放 箸 超

二 首 二 首 一 首 四 首 一 首 一 首 四 首 二 首

藝林

詩

黃蕤魯正叔銅琴歌

蘇 戡

秦皇得寶光照骨。金魄絲魂存枯木。諸姬法器若無秦。截斷寒崖嘯。哀玉鳴絃動操思。先王潛龍一去天蒼蒼。雲光蕩海海山立。手揭日月。驟驚風古苔。繡縷沒奇宇。正叔英靈猶嫵媚。燈前魑魅瞰金徽。破國孟晉頻雪涕。扶桑僊官惜不得。黃姑抱琴飛霹靂。夜闌絃絕問文姬。知音焉歸風雨黑。

月夜憶樊山

蘭 叟

明蟾媚幽渚。羈思展孤雲。葉落羣喧悄。花光四照分。品霄龍自挂。秋氣雁先聞。莫漫生遐想。雷門尙聚蚊。

觀劇夜歸

漠漠毳場夜氣清。照人燈火卻關情。笙歌慘淡芳菲歇。都似空階絡緯聲。

月夜聞笛

韻自淒涼調自清。微風吹送嫩鶯聲。滿庭花影多時立。知是閒情是怨情。

五君詠 有序

哲 庭

五君皆隱君子也。余少時獲從之遊。詩文往復。交契忘年。今老矣。倦游息影。而五君者亦相繼辭世。回念昔

藝林

藝林

遊人琴增感。各詠一詩。聊志不忘夙好云。

茫茫四十載。無復舊追遊。客散高陽里。人歸白玉樓。撫絃懷月夜。叙似想蘭秋。自識逋翁後。心香一瓣留。（高陽里沈逋翁定）

憶昔先公在多君履齒頻。自稱柏學士。老作雪松人。（先生自號雪松老人）癡絕難諧倍。詩工豈療貧。一從歸碧落。海內想遺民。（芋栗園柏山人古）

蒙賞桐廬句。逢人百遍吟。（先生極賞余江到桐廬不上潮句）撫今悲隔世。追昔感知音。鶯囀歸空碧。龍文黯夕陰。幾回登曉閣。愁絕整遺琴。（山曉閣孫高山琮）

讀史綜今古。蓬蒿老異才。朱門招不往。白社却偏來。詞賦曾何補。饑寒信可哀。沙邊遺釣艇。明月共徘徊。（書範施處士椅）

廿年如一夢。迢遞憶燕京。風緊嘶疲馬。春寒濕曉篷。忤時應下第。經世亦歸耕。遺有河干詠。香風轉杜蘅。（河干李孝廉永祺）

秋夜遊古剎

模糊樹色近黃昏。剝落紅牆古寺門。淡淡煙痕秋水碧。一天涼月入孤村。

遺懷

寶丹

豐功誰復勒燕然。禾黍蒼涼古道邊。暗淡乾坤雲蔽日。蕭條書畫室如船。生無可樂寧祈死。人已無良莫問天。爭說不如歸去好。年年袍笏拜啼鵑。

憶鈍劍

少陵身世一沙鷗。深恐磋砣便白頭。我劍無靈君劍鈍。人問何處託恩仇。(予一字劍靈)
千年荆岳骨成塵。誰是擒蛟削虎人。與子消沈文字海。野蘿山鬼泣靈均。

病中

輾轉無眠漏又殘。朝來攪鏡惜枯顏。山川廣漠埋名易。風雨縱橫就死難。異鳥猖狂新賦鵬。故人凋謝孰爲驩。不如蛻却皮囊去。極苦翻成極樂看。

茶煙藥火日相親。病況蕭條損壯心。億萬妖魔爭伺我。狎穉魍魎喜逢人。中原鬱鬱屯秋氣。斗室朝朝與鬼鄰。太息桂枝(予一名桂生)憔悴甚。手栽寒菊獨精神。

謁孝陵

天 梅

白日慘淡鏡山高。秣陵王氣何蕭條。啼鵑不訴亡國怨。秋風腸斷哀南朝。海晏河清豈難再。恨殺高皇今不在。迷籌傾倒劉青田。獨我遲生六百載。我思高皇真英雄。殊方混一華夏風。拔救災黎登在席。恢復舊物追前蹤。黃炎奇辱崇朝雪。排斥胡元功卓絕。中天日月挾龍飛。統一寰區宏規立。情哉政治何專制。宰戮勳臣任私意。朕卽國

藝林

家。奚。良。為。顛。倒。乾。綱。太。無。忌。子。與。實。為。民。史。宗。草。芥。寇。讎。論。最。工。高。皇。見。之。怒。切。齒。立。驅。文。廟。終。不。容。一。代。偉。人。
 神。武。姿。後。有。繼。者。慎。勿。師。文。羊。政。體。久。絕。迹。大。權。獨。攬。非。其。時。時。移。勢。遷。今。殊。昔。石。頭。虎。踞。秋。瑟瑟。百。年。誰。氏。奉。
 烝。嘗。話。到。當。年。淚。沾。慰。荒。煙。蔓。草。愁。心。魂。結。伴。來。弔。前。王。墳。銅。駝。埋。沒。蒼。苔。刺。石。馬。淒。涼。夕。照。昏。長。江。飛。渡。來。何。
 早。六。朝。盡。是。傷。心。稿。江。山。猶。是。景。全。非。殘。磚。剩。瓦。年。年。少。

桃根桃葉歌

桃。根。復。桃。葉。何。處。迎。舟。楫。桃。葉。復。桃。根。殘。花。委。白。門。白。門。楊。柳。千。萬。絲。攀。折。長。條。贈。別。離。江。南。佳。麗。未。曾。親。偶。聽。
 笙。歌。神。欲。癡。臨。流。悵。望。誰。無。語。雙。雙。舟。楫。來。何。暮。六。朝。金。粉。渺。難。逢。一。聲。杜。宇。夕。陽。紅。杜。宇。魂。歸。日。以。遠。當。年。燕。
 子。飛。應。倦。為。訴。興。亡。在。眼。中。惹。他。南。國。佳。人。怨。佳。人。怨。付。大。江。流。流。到。天。涯。無。盡。頭。桃。根。桃。葉。如。相。見。風。采。而。今。
 無。恙。不。

謁明孝陵

吹萬

驅。車。出。朝。陽。山。色。凝。空。濛。舍。車。聊。步。行。滿。路。吟。秋。蟲。荒。坳。木。葉。下。鴈。叫。寒。雲。濃。幽。厨。一。凝。望。遠。見。頽。牆。紅。翁。仲。近。
 十。餘。石。馬。猶。糾。雄。依。然。數。里。外。拱。護。榛。莽。叢。悽。惻。達。明。樓。徘徊。再。拜。恭。鬱。紆。枕。巖。岡。馬。鬣。萬。古。封。我。思。陵。中。人。赤。
 手。殲。胡。戎。衣。冠。還。上。國。為。治。三。代。隆。大。膽。黷。孟。祀。罪。不。掩。其。功。除。暴。正。開。基。天。助。應。加。豐。何。為。三。百。載。享。祚。從。此。
 終。當。其。全。盛。日。虎。嘯。千。龍。熊。至。今。寢。園。旁。無。樹。生。悲。風。剩。瓦。拾。零。星。片。片。雙。盤。龍。落。日。辭。鐘。山。愁。思。來。無。窮。草。深。

欲沒。蹀。禾。黍。何。瓦。瓦。銅。駝。爲。垂。淚。王。氣。空。復。空。黑。山。白。水。間。浩。劫。行。將。逢。興。廢。有。乘。除。坏。土。終。相。同。請。君。付。達。觀。
萬事江流東。

和天梅金陵雜感

哲夫

幽草垂楊逼冶城。荒涼到眼總傷情。前朝盛業安能見。賴有亭杯詠帝京。
六代興亡愁靡極。洗愁難借大江流。君王枉得無愁號。端讓盧家字莫愁。
龍虎江山久寂寥。低回忍弔亦無聊。六朝金粉飄零盡。空廕臺城柳幾條。
曉風殘月不勝寒。孫楚樓頭酒盞乾。欲放狂歌招太白。却愁迴句未吟安。
那復有山容我隱。草堂漫羨北山岑。松楸斫盡鶴筵盡。問爾人兮安可禁。
照眼湖山皆古跡。登臨隨地足懷思。應知天下傷心處。不盡勞勞送客時。
望仙結綺與臨春。三閣繁華認最真。誰省鐘山鳥啼後。奈何帝作井中人。
我向天南號蔡顛。吾家鐘阜有前賢。空山歌哭誰能識。千古奇人蔡謫仙。
朱雀橋連桃葉渡。風流今盡付寒煙。盛衰往事知多少。都在秦淮淺水邊。
爲底要消天子氣。莫知秦政意何云。于今寸土非嬴氏。占得鍾山蔣子文。

客中

亞賓

藝林

五

民權素第 四集

藝林

吉○祥○鸞○鳳○嬰○天○寵○悔○汝○生○平○德○自○孤○一○笑○出○山○緣○底○事○無○端○漂○泊○落○江○湖○
 莖○蕪○窈○窕○秋○江○上○懷○抱○芳○馨○乘○古○心○紅○魂○綠○魄○百○花○貴○眼○見○人○間○春○色○深○
 荒○荒○帝○殺○黑○龍○日○時○不○利○兮○奈○我○何○笛○裏○詩○人○思○楊○柳○賦○中○客○子○自○關○河○
 杏○花○春○雨○江○南○客○一○夕○無○端○九○逝○魂○被○髮○伴○狂○沒○頭○笑○不○能○容○我○此○乾○坤○
 奇○窮○乃○在○奇○才○子○天○不○予○人○全○美○時○願○以○聰○明○還○與○帝○錫○臣○福○命○錫○臣○癡○
 臣○本○布○衣○心○似○水○綠○章○夜○夜○奏○通○明○詩○句○諸○佛○器○天○國○平○盡○衆○生○之○不○平○

自觀

冥○中○自○視○如○蟲○鼠○墮○落○天○形○地○氣○渦○我○與○衆○生○同○一○母○母○兮○生○我○奈○之○何○
 真○成○龍○虎○嬰○秋○氣○小○懨○因○緣○現○色○身○憂○患○卅○年○重○回○首○零○丁○負○負○佛○天○恩○
 焉○能○忍○此○而○終○古○冷○抱○秋○雲○不○出○山○歌○哭○未○馴○屠○狗○性○悲○觀○着○着○天○南○
 云○何○天○骨○與○龍○性○經○幾○秋○風○冷○縮○回○別○鑄○妙○觀○參○佛○果○白○華○容○與○上○心○來○
 生○生○死○死○心○頭○電○去○去○來○來○世○上○波○電○到○空○時○生○死○蛻○波○無○止○境○去○來○跏○
 我○觀○我○相○因○存○我○寧○識○虛○空○四○大○處○自○造○因○緣○來○與○世○回○頭○賺○得○廿○年○春○

感懷